

www.BibleForChildren.org



पैदाइस 6



यो नूह को परिवार को चरचा सेत,
नूह भगत मानूस होतो। उ आपरो बेरा
को लोकहून मा सबलक लगत निरदोस
होतो। उ परमेस्वर को संगा होतो।


परमेस्वर ना धरती ला चोयो का वा बुरी
होय गयी, काहेकी सबच जिवगीन ना

धरती मा आपरो सुभाव


बुरो कर
लेयी होतीन।



परमेस्वर ना नूह लक कह्यो, “मीना सबच जिवगीन को
खातमा करने को मन कर लैईसेउ। उनको कारन धरती
हिंसा लक भर गयी से। मी धरती सकट उनला नास
करहु। तू गोफेर झाड़ को लकड़ी को एक पानी को
जहाज बनावा। तू ओमा खोली बनावजोस।
ओको बाहेर भीतर राल भी पोत देजोस।”




यो रिती लक तू पानीजहाज
बनावना; पानी जहाज को
लम्बाई डेढ सौ फुट, चौड़ाई
पच्चीस फुट अना ऊँचाई
पंद्रह फुट
राखजोस।




“हर एक जात ला जेवन जोन-जोन
करेहे जमा कर लेवना उ तोरो
अना उनको जेवन को लाई होहे।”




हर एक जात को जिन्दो पिरानी गीन मा लक दुई-दुई मरद अना मादा
अपरो संग जलयान मा लिजावन जेको लक वय तोरो संग जिन्दो रव्हे।




तू उन जनावर गीन को जोन सुध्द सेत सात-सात जोड़ा मजे मरद
अखिन मादा लेवजोस, जोन लक उनको खानदान
धरती मा बचयो रहेत।






नूह आपरो टूरा हुन बायको
अखिन बहु गिनको संग पानी पूरा
लक बचन काजी जहाज मा गयो।





जब नूह को उमर को छय सौ साल
को दूसरो महीना को सतरा दिन आयो,
वोच दिन मोठो गहेरो को सप्पा जघा फूट
गयीन अना बादल फट गयो।





अखिन धरती पर चालीस दिवस अखिन
चालीस रात लगातर बरसात होवत रही।




पानी लक सप्पा धरती डूब गई, अखिन
जहाज पानी को वरता तिरन लगियो।




पानी धरती पर इतरो बढ़ गयो कि मोठा-मोठा पहाड़ गिन डूब गईन।
धरती मा का सबच जिवतो पिरानी गिन मर गईन।



तबा परमेस्वर ना नूह अखिन सबा जंगली जनावर
अना पालतू जनावर गिन ला हेत करीस जोन
जहाज मा होतिन अखिन वारा बोहायो
तबा पानी अटन लगयो।






चालीस दिवस पूरा होवना को
बाद मा नूह ना जहाज को खिड़की
ला खोलिस, जोन ला वोना बनायो
होतो। तबा वोन आपरो कठा को
परेवा ला उड़ाय देयिस। जोन लक
या मालूम होय जाय का धरती लक
पानी अटयो का नही।



दूसरो महीना को सत्ताविसवा दिवस मा धरती पूरी सूक गयी। तबा
परमेस्वर ना नूह लक कह्यो, जहाज लक तू अना तोरी
बायको, अखिन तोरो दूरा अना बहु गीनला बाहेर
हिटन लाय कव्ह।



मंग नूह ना यहोवा परमेस्वर को लाय एक वेदी बनायो अखीन हरेक
सुधद जनावर अना हरेक
पवीतर पकसी मा लक
वेदी मा होम बली चघायो।



मंग परमेस्वर ना
कह्यो "जोन करार मी
तुमरो संग अखीन जितरो
जिन्दो पिरानी तुमरो संग
सेत उन सबको संग जूग-जूग
को पीढी को लाय करयो सेऊ वोको
यो निसान से।" का मीना बादल मा एक

धनुस राखी सेऊ। उ मोरो
अना धरती को बीचमा
करार को हिदान से।"



“जब मी धरती को
वरता बदली आनीन
अना वोको बीच धनुस
चोहेत तबा मी आपरो वादा
ला हेत करहीन। जोन मोरो
अना तुमरो बीच मा करार से। का
अब कदी पानी परलय लक पूरो


धरती को नास नही करहीन।”



तबा परमेस्वर ना नूह अखीन
उनको टूरा गिनला यो आसीस दियो अना
कह्यो, लगत सो लेकरा पैदा करो, जोनलक
तुमरो खानदान पूरी धरती मा बसेत। जहाज
लक नूह को संग वोको टूरा सेम, हाम
अना याफत बहार हीटयो। अना
हाम कनान को अजी भयो।

यो नूह को तीन
टूरा

भयो अना योच तीन लक
धरती मा मानूस गिनको जलम भयो।



काहेका परमेस्वर ना संसार लक एतरो माया
राखियो, का वोना आपरो चहतो एकच टूरा
ला दे देइस। एकोलाय जोन कोनी वोको पर
भरोसा राखेत, उ नास नही होहेत पर
अमर जीवन पाहेत।



रोमियो 3:23 हरेक मानूस ना पाप करयो सेत। अना परमेस्वर कन लक दियो तेज बचाव लक लगत दुहूर सेत।

रोमियो 6:23 काहेका पाप को बनी तो मरनो से, पर परमेस्वर को बरदान आमरो पिरभू यीसु मसीह मा अमर जीवन सेत।

इब्रानियो 9:27 जसो मानूस को लाय एक बार मरनो, अना एको मघा उनको नियाव होवनो लेखा सेत।

इफिसियो 2:8,9 परमेस्वर को दया कन लक आपरो भरोसा को काजी तुमरो सूटकारा भयीसे। योयो तुमला तुमरी कन लक नही मिलीसे, पर यो ता परमेस्वर को दियो हुयो दान से। अखिन नाता करम लक असो ना होय का कोनी गरब करयेत।



रोमियो 10:9,10 यदि तुमी असो स्विकार करा सेव, का यीसु च पिरभू सेत। अना बिस्वास करो का परमेस्वर ना वोला मरयो हुयो लक जित्तो करयो सेत, तो तुम्हि बच जाहो। काहे का मन मा भरोसा राखन लक मानूस नेक बन जासे अखिन परमेस्वर लक सही संबंध भई जासे। अना स्वीकारनो लक हमीला बचायो जावा सेत। मजे आमरो सूटकारा होवा सेत।

योहन 3:16,17 काहेका परमेस्वर ना संसार लक एतरो माया राखियो, का वोना आपरो चहतो एकच टूरा ला दे देइस। एकोलाय जोन कोनी वोको पर भरोसा राखेत, उ नास नही होहेत पर अमर जीवन पाहेत। परमेस्वर ना आपरो टूरा ला दन्ड देवन ला नही, पर संसार ला सूटकारा देवन लाय धाड़ीसेस।

1 योहन 5:11-13 अना ओकी गवाही यो से का परमेस्वर ना आमला अमर जिंदगी देईसेस, यो जिंदगी ओको टूरा कन लक मिलयो से। जोको जवर टूरा से, ओको जवर जिंदगी से, अना जेनको जवर परमेस्वर को टूरा नहाती, ओको जवर जिंदगी भी नहाति। परमेस्वर को टूरा मा भरोसा राखन वालो, तुमला यो गोस्टी मी एकोलाय लिख रही सेऊ जेनको लक तुमी यो जान लेव का अमर जिंदगी तुमरो जवर से।



पैदाइस 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Powari Bible (pwr) © The Word for the World International
and Powari Madhya Pradesh, 2025.

<https://www.bible.com/bible/3714/MAT.1.PSP25>

©2026 Bible for Children, Inc.

www.M1914.org

www.bibleforchildren.org

